

〈秦臣十詠〉并序

戰國時期雄才輩出、虎將雲集，智謀縱橫、武略奇絕；開卷讀之，覺妙意橫生，精采絕倫。而余獨愛秦之堅忍不拔，治軍有方，自孝公至始皇，七世奮威，東出擴疆，遂得一統天下。

孝公之任商鞅，猶惠文王之任張儀，昭襄王之任魏冉、范雎，秦王政之任呂不韋、李斯，此輩皆為秦立不世之功，奠一統之基。更有神將如白起、王翦、蒙恬者，東征北討，一匡天下；六國之師，莫之能敵。

然余讀此輩之傳，皆未見其善終，非去勢失寵，即死於非命；或因新朝離棄，或因功高震奸，無一不悲，無一不慘。感而思之，乃取商鞅、張儀、魏冉、范雎、呂不韋、李斯六相，及白起、王翦、蒙恬、章邯¹四將，以《史記》、《戰國策》及近代考古新論為本，作〈秦臣十詠〉以歎其境遇。讀史作詩，以誌其誠。

秦臣十詠〔之一：商鞅〕

秦公佈令訪賢良，衛鞅²東來望富強。
勵獎軍功行爵制，開耕地力拓田疆。
揮師魏土河西復，獲邑於商世號揚。
作法嚴明偏自斃，威加舊貴死刑場。

秦臣十詠〔之二：張儀〕

列國分爭勢不安，張儀志在外交壇。
初師鬼谷精權術，始相秦王弄政盤。
矇誘楚君吞廣地，制牽犀首³破聯團。
縱橫數載新朝棄，去國還鄉舌劍寒。

秦臣十詠〔之三：魏冉〕

武王新逝國堂傾，魏冉誅奸內亂平。
職任三朝成母舅，身躋四貴至公卿。
操持互帝齊秦霸，薦舉兵神楚趙驚。
擅事專權遭詬說，一言身折枉榮名。

¹ 嚴格來說，章邯應為秦末名將，然秦末天下之勢與戰國相似（趙高立子嬰時所言，現代亦有學者稱六國復出之秦末時期為「後戰國時期」，如雷戈、李開元等）。且本作以「秦臣」為題，詠歎章邯，亦不違本作之旨。

² 「鞅」為上聲，詩韻屬上二十二養。

³ 「犀首」乃魏相公孫衍的稱號，合縱代表人物。任魏相時，曾發動五國攻秦，後被張儀的連橫之術破解。見《史記·張儀列傳》。

秦臣十詠〔之四：范雎〕

嗤笑穰侯越擊東，范雎提策定交攻。
匡君逐貴收權柄，廢后尊王轉政風。
報怨乃羞須魏使，爭勛還殺武安公⁴。
若非國主南山壽，焉得良機笑府中？〔註〕

〔註〕

秦昭襄王享國五十六年，壽七十五；戰國諸侯中，鮮有如是長壽者。而范君相秦，始自昭襄王四十一年（見《史記·范雎蔡澤列傳》），已至國主在位之後期矣！昭王若不長壽，焉能予范君諫主逐貴、廢后收權以掙得相位之機？遑論羞辱須賈、言殺白起以報怨爭勛矣。故其能用事，非僅其才雄俊，更得一時之幸也！

秦臣十詠〔之五：呂不韋〕

子異⁵王孫價可期，不韋行賈欲居奇。
功成政道終秦相，謎困千年始趙姬。
招客並兼諸子論，編書或作帝王師。
高尊仲父偏牽亂，飲鴆猶如飲恨悲！

秦臣十詠〔之六：李斯〕

志定平生富貴求，李斯匡虎鎮神州。
呈書賜藥因私計，置郡焚經為主籌。
戀祿同更先帝詔，貪權卒死趙高謀。
魂遊若遇當年鼠，憶及倉中可有尤？〔註〕

〔註〕

觀李斯一生，識其所務者，唯功名、富貴而已矣！自其受倉中鼠之啟，汲汲於功名，營營於富貴，故西說秦王、上書諫逐、賜藥韓非、為主籌策，乃至合謀易儲，棄鼎祚而不顧；阿順求容，陷吏民於水火。所作所求，實皆自保以守其富貴耳！至其欲諫二世罷趙高，亦非為國計也。以斯之私，求罷趙高乃欲復己之權也；不然，為國計者，豈敢棄鼎祚不顧、陷吏民水火哉！只因其私已潛脅趙高之威，故反死其謀耳。余讀史至此，唏噓之餘，忽發奇想：若李斯魂遇倉鼠於陰間，不知可有怨尤乎？

⁴ 須魏使，指魏國使臣須賈；武安公，即武安君白起。

⁵ 秦莊襄王名。《史記》作「子楚」，《戰國策》作「子異」。今從《戰國策》。

秦臣十詠〔之七：白起〕

錚錚鐵騎破新城，白起鷹鳴第一聲。
伊闕壘崩天地坼，郢鄢江動鬼神驚。
氣吞雲漢輝銀甲，血染長平黯旆旌。
功震相侯遭賜劍，自裁慚謝眾降兵。

秦臣十詠〔之八：王翦〕

良言不納去朝堂，王翦稱憂返梓鄉。
聞告荆師摧李信，承君復命起頻陽。
田池屢請明忠志，項氏終誅虜楚王。
祖蔭偏難三世降，賁離⁶既死後無光。

秦臣十詠〔之九：蒙恬〕

奮掃匈奴建懋功，蒙恬不辱將門風。
疆危幸賴長城鎮，帝出還望直道通。
上郡疑書徒勸意，陽周就死枉貞忠。⁷
扶蘇漫有儒人義，竟使良臣罪偉工。〔註〕

〔註〕

蒙恬之死，非因其所謂「城塹萬餘里」、「絕地脈」之罪（即「接築長城致地脈絕斷」之報應，見《史記·蒙恬列傳》），乃受扶蘇仁懦之累也。向使扶蘇聽勸止死，同蒙氏將兵三十萬而入朝，以其勢之優，未始不可復權也，而恬亦可不死。故云：「扶蘇漫有儒人義，竟使良臣罪偉工」！

秦臣十詠〔之十：章邯〕

歲暮刀兵起四方，章邯赦隸授矛槍。
麾師電掠誅陳涉，縱馬風馳襲項梁。
鉅鹿身危降楚霸，故秦疆裂受雍王。
縱亡韓信陳倉計，勝死閹臣黑肚腸。〔註〕

〔註〕

章邯之亡於漢軍，實乃幸也！設若彼時不降楚而死趙高之手，於將於士，豈不辱哉！

⁶ 賁，王翦之子王賁；離，王賁之子王離。

⁷ 蒙恬覽畢賜死之書信，曾懷疑此信之真偽，勸扶蘇向中央請示，請示無疑後，再就死未遲。惜乎扶蘇為人仁迂，不聽，仍自殺。蒙恬隨即被關押於陽周，不久亦遭逼死。見《史記·李斯列傳》。